

英雄概傳奇

英雄傳奇

英雄概
傳奇

古本戲曲叢刊三集

古本戲曲叢刊編輯委
員會據長樂鄭氏藏鈔
本影印原書葉心高二
十二公分寬十六公分

英雄概傳奇卷上

葉稚斐撰

第一折

滿庭芳末上安子敬思。牧羊曲節。鄧公預識英雄。李侯驀遇。打虎露神通。繼螟蛉更名存孝。勤王事。束甲從戎。李存信。桑間奪女。節烈毀芳容。巧計燒營。陷罪。殲魁奪帶。方顯精忠。恨黃巢猖獗。一戰成功。獸弟強諧花燭。忽聞君命。病染心瘋。奉皇宣褒功。賜爵。喜氣慶乘龍。來者安敬思。

第二折

破陣子生扮牧童上天賦力能扛鼎。養成氣吐虹蜺。莫道輕年

角未變。佇看乘時欲奮飛。從龍應有期。

勇略雄才志不群。只因寒素守彝倫。龍潛大海修鱗甲。豹隱
深山靜養文。自家姓安名敬思。岱北飛狐人也。年方十六。早
逝雙親。鬻身為僕。猶如季布之逃名。混跡牧羊。甘效里奚之
末節。俺想當年子房未遇。私受書圯上之老人。吳漢負時。得
提攜道中之秀士。只是上天既生我如此武畧。難道一生竟
沒个得志之日了。此間有个鄧萬戶。忠厚長者。蒙他收錄。教
我牧羊。只得暫為人下。因此人皆稱我為牧羊安子。咳。老天
嗔。老天教我英雄淚眼。何日始乾也。

錦纏道。困無依。向茅簷把頭顱暫低。牛角扣誰知。我卧羊群。定

他年百里名齊。安敬思。安敬思。難道你終身。看守這群毛羊不成。當不得齊景公千駟同稱。權算做漢諸葛牧馬齊驅。我且趕這群毛羊。到鐵籠山下。放草一回。咳。毛羊。我今日權把你擺个一字長蛇陣。待我安敬思做了壓寨將軍。快走快走。急急走如飛。趕你到九里山安排陣勢。你看羊在那里食草。我且在山坡下。安睡片時。有何不可。且插着這標旗。好當做三軍赤幟。抵多少鮮甲卸戎衣。

(丑付扮天將持盔甲立下場介)(末上)

(古輪台)日初西。牧羊何處恁歸遲。且携筇山徑閑尋去。老漢鄧萬戶。只因我家安子。牧羊山下。不見回來。不免找尋前去。(內吹

打介)呀。這里荒僻去處。樹林之內。有鈞天之响。我聽着依稀天

籟。出自松巔。彷彿有笙簧嘈沸。好奇怪。你看半空中瑞氣結成

五彩。似有神仙下降。我且拭目細看。

瑞氣氤氳。如推仙御。紅雲

天半下山溪。

(付將盔甲罩生身上跳舞介)(末)呀。果有神將。捧着

金盔金甲。罩在那人身上。莫非我老眼昏花。虛空見鬼。我且擦

着眼再看。介明白。(丑付下)(末)呀。轉眼之間。絕無影響。却也奇怪。

待我看是何人。噫。元來是個牧童。倚卧山崗之上。咦。這是我家

安子。且住。我想此子天授異物。日後必有好處。現此佳兆。也未

可知。我且避在此間。遠遠看他。可還有什麼異處。看他倚峯嵐

憩睡橫欹。面遮青笠。身披短襖。足穿芒屨。緣何變甲變金盔。我

心中喜。此兒日後不低微。

(末下)(付扮小鬼持鐵槩上)(舞介)蛇來了。(生醒介)蛇在那里。(付放槩下)(生看介)呀。果有大蛇一條。投入澗中去了。(作打蛇介)呀。蛇倒不見。這是件什麼東西。倒也稱手。吓。我且拏去。閑時在莊前戲耍。有何不可。(末上)呀。好奇怪。方才是條巨蛇。安子到澗邊。却拾了一件兵器。與空中現的盔甲相符。我且不要說破。看他後來若何。安子。天色已晚。你還不驅羊回去。倒在此使鎗弄棒。(生)公公。安子方才見一條巨蛇赴水。赶到澗邊。蛇倒不見。拾得這件東西。不知是什麼。公公。你拿了回去。(末)這是一柄鐵槩。我老人家抬也抬他不動。那里拏得回去。你

拏了此槩。我拏了標竿。急急驅羊回去罷。（生應介）末唱

（尾聲）牧童急趕羊回去。鐵槩捐來待笑嬉。老叟持標慢慢隨。

（末白）群羊山下日西斜。（生）古澗堪驚槩似蛇。（生趕羊下）末妙

吓。你看安子天授異物。如此佳兆。日後自然顯達。我有道理在此。莫將此子等閑視。他年事業定非賒。（下）

第三折

（引）老占宮女丑生太監引小生上。鎮日笙歌歡暢。宮娥取次傳觴。

萬幾在御效無為。分理朝綱有庶司。方擬深宮圖宴樂。何必臨軒問試期。朕乃大唐天子。諱儼是也。相傳二十六帝。坐享

二百餘年。四海昇平。八方永賴。朕自即位以來。正與宦官們終朝遊戲。宮娥輩永夜歡娛。將內外政事。皆委近臣。田令孜庶幾無為而治。奈關東水旱連年。盜賊蜂起。田令孜勸朕開科取士。令為官將。討賊安民。朕即委田令孜主試。陳景思副之。昨日進呈中式名錄。未知狀元是何等人物。今日宣到五鳳樓前。謝恩授職。內侍宣田令孜陳景思上殿。太監傳介付冠帶上。

引記得當年事馬坊。今日里得參帷幄。末職愧天官。真才難講。赤心鑑取無私。

付下官樞密使田令孜是也。末下官吏部尚書陳景思是也。

(付)陳老先。(末)田老先。聖上視朝。不免進見。(付)臣樞密使田令孜朝見。(末)臣吏部尚書陳景思朝見。願吾皇萬歲萬歲萬萬歲。(小生)平身。(付末)萬歲。(小生)二卿。朕委取中狀元。係何姓名。何方人氏。(付)臣啟陛下。臣奉旨考試舉子。所取狀元。乃曹州克白縣人氏。姓黃名巢。其人有文武全才。堪為國家柱石。(末)臣啟陛下。黃巢文才。洵可冠軍。相貌實堪驚訝。恐非天朝大器。探花青年品卓。綽有元度。望陛下一同宣至殿前。龍目親視。以定去取。(付)陳老先。又來多事了。歷代聖明。俱以文才取士。寧以顏貌取人。(末)貌陋則心險。田老先豈不聞之。(小生)二卿不必相爭。宣來見朕。自有分曉。內侍。宣狀元探花上殿。(丑)

生領旨。啣聖上有旨。宣狀元探花上殿。（淨簪花上）領旨。

（引烏鴉巢里養成身。占）一舉成名天下聞。

（淨）臣狀元黃巢見陛下。（占）臣探花劉天表見陛下。（合）念願吾皇萬歲萬歲萬萬歲。（小生）狀元抬起頭來。（淨）領旨。（小生）呀。果然生得怕人。這等怪相。豈是朝堂人物。內侍剝去衣冠。驅逐下殿。（丑）生去。（淨）衣冠介。（淨）臣啟陛下。聖人有云。以貌取人。失之子羽。況今開科取士。惟較文才優劣。若憑狀貌取人。誠恐天下讀書之輩。無不寒心。願吾皇垂諒。（小生）休得胡說。內侍。亂棍打出去。（淨）罷了罷了。若知取士惟憑貌。撇却毛錐。只用刀。（推淨下）（小生）欽拔探花為狀元及第。（末）願吾皇萬歲萬歲萬萬歲。

歲。小生就撤御前鼓樂迎送狀元赴晏瓊林。吹打下。付臣啟
陛下。人有異相。必有異才。望陛下莫聽陳景思無稽之言。以
喪天下英才志氣。既蒙削去狀元。姑且賜留榜末。

啄木兒。臣愚戇。謹拜颺。天下魁星醜貌龐。古伏羲龍首蛇身。五
陋體素王原獎。仲尼若用麻衣相。子羽取貌賢多喪。伏望吾皇

呵。榜上孫山許姓黃。

末。臣啟陛下。人心醜惡。悉如其面。黃巢雖蒙削去狀元。必懷
異心。聖上當急追之。無留後禍。莫聽田令孜姑恤之言。以釀
朝廷肘腋之患。

前腔。臣欺罪。妄敢當。弱漢從來鬚不黃。那黃巢呵。怪天庭一字

橫眉兩鼻孔。倒為鹵仰。排牙開口形。麴麴鬢倒逆朝天上。伏望吾皇呵。莫放毛頭降下方。

(小生)景思之言。深合朕意。就着景思速差驍騎。追至京師。將黃巢終身禁錮。無得輕縱。退班。(下)(付)陳老先。下官好端端一個門生。被你斷送了。豈不可惜。(末)你堅守一人之私意。可不悞了朝廷大事。(付)住了。那見得悞了朝廷大事。(末)下官奉命追趕黃巢。無暇與老先生細談。改日再講罷。正是。難將我語和他語。未必他心似我心。(付)你要追捉黃巢。我先差人去一路報知。教他急走。倘日後果然造反。却也罷了。如若太平無事。咳。陳景思。噯。

(三段子)教你滿盤虛謊。吠堯犬何言太狂。滿腔誹謗。揶揄鬼何心不減。少不得聖上向前。定討个明白。為甚的蕭何反把王孫放。劉蕡獨去開科榜。使下第蘇秦助魏邦。(下)外差官生旦老占四小軍引末上。

(歸朝歡)黃巢的。黃巢的。潛歸鄉黨。畫儀容沿途緝訪。忙追趕。忙追趕。知逃那方。怕知風似鰲魚漏網。(末)過來。黃巢面龐醜陋。最易識認。有一圖形在此。一路找尋前去。若有人與此圖相似者。即便拏下。仲尼陽貨難相像。吹簫莫變鬚眉相。就使吞炭漆身難掩藏。(下)

第四折

(杏花天) 旦上晚來雨過桑生苗。草房內琴書幽韻。生來未曉鉛華飾。元不改玉人如粉。

鳥語花香春色深。小窓無語理瑤琴。黃鸝學弄琴中語。換取笙簧和鳥音。奴家鄧氏小字瑞雲。生長農家。頗知儒學。吟風弄月。休誇道蘊之才。刺鳳描鸞。不亞蘇蘭之技。怎奈母年彌艾。父歲彌高。桃夭未賦于深閨。夢蘭無徵于繡閣。鄉村寥落。親戚稀疏。好難消遣也。今日天氣晴和。不免且啟樓窓。眺望一回。看看野景何如。呀。只見四圍紅白桃李樹。一片青黃菜麥田。好一派春景也。

(祝英臺) 盼春明。花傳粉。粧點舊園新。淺綠淡黃。片片連天。丹青